

Verbâl de Assemblee Gjenerâl Ordenarie dai 7 di Març dal 2021

Clamade adun cun letare dai 13 di Zenâr dal 2021, prot. nr. 007/21, daûr dal art. 10 dal Statût,

- in prime convocazion, sabide ai 6 di Març dal 2021, a 11 sot sere;
- in seconde convocazion, domenie ai 7 di Març dal 2021, a 9.30 di buinore;

si è tignude a Udin, tal Salon d'Onôr "Guglielmo Pelizzo" di Palaç Mantica, in vie Manin 18 e in modalitât telematiche, la Assemblee Gjenerâl de Societât Filologjiche Furlane, par discuti di chest ordin dal dì:

in session straordenarie

1. Modifichis dal Statût de Societât Filologjiche Furlane (modifichis dai articui 1, 4, 5, 8, 9, 10, 12, 19, 20 e introduzion dai articui 22 e 23);

In session ordenarie

1. Esam, discussion e aprovazion dai documents di Belanç 2020
2. Esam, discussion e aprovazion dai documents di Belanç di prevision 2021
3. Adozion dal regolament dai lavôrs de assemblee de Societât Filologjiche Furlane
4. Variis.

Al cjape sù la presidence de Assemblee il President de Societât Filologjiche Furlane, Federico Vicario.

Daûr dal art. 10 come 3 dal Statût, stant che a la prime convocazion no si è presentât nissun, il President al declare costituide cun regolaritât in seconde convocazion la Assemblee Gjenerâl dai socis de Societât Filologjiche Furlane "Graziadio Isaia Ascoli".

Il President al propon Feliciano Medeot, Diretôr de Societât, tant che segretari verbalizant de Assemblee; la Assemblee e fâs buine la propueste.

Il President al domande a ducj i presints di rispietâ un moment di corot par ducj i socis che a son mancjâts vie pal 2020 e tai prin mêis dal 2021.

Si passe duncje al esame dal ordin dal dì e si vierç la session straordenarie de Assemblee. Pe verbalizazion de assemblee straordenarie al partecipe e al verbalize il nodâr Dot. Alberto Piccinini, cemût che e proviôt la leç pai ats publics.

Pont n. 1 dal ordin dal dì:

Modifichis dal Statût de Societât Filologjiche Furlane (modifichis dai articui 1, 4, 5, 8, 9, 10, 12, 19, 20 e introduzion dai articui 22 e 23).

Il President al passe la peraule al tesoriâr Carlo del Torre che al presente lis modifichis dal Statût che a son stadis concuardadis cui uficis de Region pe iscrizion de Societât al Registri Unic Nazionâl dal Tierç Setôr (RUNTS).

In particolâr:

- i) La specifiche indicazion des ativitâs prevalentis, individuand espressamentri i destinataris des stessis, e lis ativitât diviersis di chês di interès gjenerâl, secondariis e strumentâls;
- ii) indicazion dai sogjets pai cuâi no si pues distribuî i provents;
- iii) la discipline de escluson dai socis;
- iv) la pussibilitât di davuelzi lis riunions dai orghins sociâi a distance;
- v) lis modalitâts di espression de votazion e de deleghe pe Assemblee dai Socis;
- vi) lis funzions dal Uffici di Presidence;
- vii) la pussibilitât pai socis di esaminâ i libris sociâi;
- viii) la pussibilitât di vê dai regolaments pal funzionament de Societât;
- ix) il riferiment aes normis dal codiç civîl e a lis normativis in vore par ce ch'al inten il Tierç Setôr, par dut ce che nol è espressamentri previodût tal Statût;
- x) la suspension dal ûs dal acronim ETS te denominazion de Societât fintremai ae iscrizion tal Registri Unic Nazionâl dal Tierç Setôr.

Ae fin de ilustrazion il President al domande se a son intervenents.

No jessint intervenents si passe duncje ae votazion su lis modifichis dal Statût che a vegnin fatis buinis a maiorange cu la uniche astension dal soci Sergio Fantini.

Il President al declare duncje sierade la session straordinaria de Assemblee e si passe duncje al exam dal ordin dal dì de session ordenarie.

Pont n. 1 dal ordin dal dì:

Esam, discussion e aprovazion dai documents di Belanç 2020.

Il President al presente la Relazion morâl e, daspò, la relazion su lis ativitâts dal 2020. A conclusion, il President al passe la peraule al Tesorîr de Societât, Carlo del Torre, che al presente il rendicont di gjestion 2020 e il stât patrimoniâl ai 31.12.2020 che al evidenzie un risultât economic de gjestion positîf par un impuart di 994,21 euros e al propon di puartâ a risiervê chest impuart.

Al interven il President dai Revisôrs dai Conts, Carlo Plet, che al lei la relazion dant parê positîf su l'aprovazion dal Belanç 2020 e su la propueste di puartâ a risiervî il risultât positîf dal esercizi.

Dopo de relazion morâl, si passe a votâ il Belanç 2020 e la propueste dai amministrazôrs di puartâ lis risiervis par cuvierzi il risultât positîf di gjestion 2020, che a vegnin fat bogns a la unanimitât.

Pont n. 2 dal ordin dal dì:

Esam, discussion e aprovazion dai documents di Belanç di prevision 2021.

Il President al presente lis liniis di ativitât de Societât pal 2021 e il prospet dal Belanç di prevision pal an in cors.

Il Diretôr al precise che, in considerazion de riforme dal Codiç dal Tierç Setôr (CTS) e de emanazion dai principis di control dai Ents dal Tierç setôr e de cjame di voris, impen e responsabilitâts pretendûts pai revisôrs, tant che orghin di control, si propon ae

assemblee di ricognossi pal 2021 un compens di 3.000,00 euros complessîfs par ducj i components dal coleç.

Si passe duncje a la votazion dal Belanç di prevision 2021 e dal Belanç dal trienât 2021-2023, ch'al ven fat bon a maiorange cu la astension dai revisôrs Carlo Plet, Chiara Repetti, Enrico Leoncini.

Pont n. 3 dal ordin dal dì:

Adozion dal regolament dai lavôrs de assemblee de Societât Filologjiche Furlane

Il President al passe la peraule al tesorîr Carlo del Torre che al presente il test dal regolament dai lavôrs de assemblee de Societât.

Ae fin de ilustrazion il President al domande se a son intervents.

No jessint intervents si passe duncje ae votazion pe adozion dal regolament che al ven fat bon ae unanimitât.

Pont n. 4 dal ordin dal dì:

Variis.

Il President al passe la peraule ai socis.

A intervegnin i socis:

- Franco Colussi al rimarche la plene sodisfazion pai risultât dal belanç, al domande se tes ativitâts di digjitalizazion e je previodude ancje la riviste "Il Noncello" e al inzorne cun rivuart a la situazion de sede di Pordenon;
- Gotart Mitri al racomande di tornâ a inviâ i cors pratics a pene che la situazion di emergjence sanitarie e permetarà di podê tacâju, di inviâ i concors di traduzion pes scuelis superiôrs e di puartâ atenzion su la cualitât dal furlan doprât tes rivistis sociâls;
- Piergiorgio Sclipa al inzorne su la situazion dai progjets di digjitalizazion dal patrimoni editoriâl de Filologjiche e di altris istitûts culturâi furlans.

Il President al rispuint ai intervents.

Stant che nol è altri ce discuti, la Assemblee si siere a 11.28.

Udin, ai 7 di Març dal 2021

Il segretari verbalizant
Feliciano Medeot